

SAN LUIS GONZAGA-RI.



Bear dezun indarra
 Jainkoak eman dizu,
San Luis, zuk iguzu
Zere laguntz eskua.

Nekez zatoz mundura
 Amaren sabeletik;
 Birjiñ arteko arturik,
 Jaio ziñan bizia.
 Batayoko grazia
 Lendanik artu dezu.
San Luis, zuk iguzu
Zere laguntz eskua.

Kastellon, ta best erriak
 Nai zaituzte Jauntako;
 Etzaduzka-orretarako
 Jainkoaren gogargiak.
 Jesusen Konpañia
 Jaunak eman naidizu.
San Luis, zuk iguzu
Zere laguntz eskua,

Aidez-gurasoz etsaya
 Dabil zu makurtu naiez;
 Zu zabiltza zuzen, aiez
 Dezula ez aditu-naia.
 Jesusgatik mundua
 Lenbait len utzi dezu,
San Luis, zuk iguzu
Zere laguntz eskua.

Jesusen ondotik zu
 Zuzen zebiltzan beti:
 Konpañian obeki
 Lan au zuk egin dezu.
 Len ona, emen Santua
 Ekus izan zaitugu,
San Luis, zuk iguzu
Zere laguntz eskua.

Jesus nekez betea
 Beti dezu gogoan;
 Al-badezu soñean
 Ordañezko nekea:
 Barren kanpoz bai-zara
 Aren imajina zu.
San Luis, zuk iguzu
Zere laguntz eskua.

Jesus umill, umill zu,
 Bia Aita meneko;
 Onen naia are osoro,
 Bai zuk ere-egin dezu,
 Zere Jesus maitea
 Maisutzat artu dezu,
San Luis, zuk iguzu
Zere laguntz eskua.

Jesus amorez urtzen
 Aldareko maiean;
 Luis komunioan
 Aren amorez urtzen.
 Bein bata, bein bestea
 Erakusle ditugu.
San Luis, zuk iguzu
Zere laguntz eskua.

Ba-genu guk artua,
 Jesus, zure bidea,
 Zure amorez betea
 Geneduke biotza,
 Ongi zuk ikasia
 Ibilliz, utzi dezu,
San Luis, zuk iguzu
Zere laguntz eskua.

Birjiñ Ama maitea
 Onetsi dezu beti:
 Sar-ba-lekit gaur niri
 Beraren amore!
 Erdisteko grazia
 Arteko ona zara zu,
San Luis, zuk igizu
Zere laguntz eskua.

Zuk eskatua egin du
 Jaunak anitz gauz andi;
 Orain dago egin-garri,
 Eskatzera noan au.
 Zuk ala nai dezula,
 Gaur nik uste dut artu.
San Luis, zuk iguzu
Zere laguntz eskua.

Bitarteko izan zaitetz
 Gaur, ta bigar, ta beti;
 Ez gu gabe zuk utzi,
 Eskatzeko lots-alkez.
 Zuk eskatzen dezuna
 Jaunagandik badezu,
San Luis, zuk iguzu
Zere laguntz eskua.

Gloriyaz, ta birtutez
 Beterik zu Zeruan,
 Beterik gu lurrean
 Nekez, lanez, naigabez;
 Zure bide ber-bera
 Gogoz guk artu degu:
San Luis, zuk iguzu
Zere laguntz eskua.

A. SEBASTIAN MENDIBURU.